

虛室寶藏風琴美送青娥離官宴赤子螺盃
灑灑香浮恣洪飲寫真情喜物外魏魏陽體
露出離生死相曠代販骨輪流了了今生止

會真集卷之四

會真集卷之五

趙然子王吉昌撰

率

蕩山溪

元來一點本也無生滅遂景落陰陽匠成形
頭面轉別五濁惡代八苦鎮交煎生還死死
還生生死何時徹○教君省悟志奪玄黃訣
七耀貫三奇幹珠瓊推移氣泄九還七返藥
配按時烹黃金窟綻瓊英五氣飛紅雪

醉落魄

齋心養浩幹顛倒五行真造靈風上下牙三
島功契周天真一內深抱○有形資養無形
道無情醞就有情寶扶持體健神永保獨露
禪天心照月光皓

金盞子

鎖猿心慮沉沉冥冥杳杳玄機運南天火北
淵金闕采鼎虎龍吟滋九氣剝群陰○酒勤
斟韻風琴斷送木童洪醉飲六腑暢五神歆
濟聖域脫凡襟清淨體鬼神歆

其二

保天真養元神調和二物東陽醞循天數應

時辰抽添謹起庚申烹汞鍊鉛銀○八瓊
新雪肌勻紅雲匝地香風動西來客意精純
華胥夢夢遊春歸物外露全身

其三

扣玄關步雲山花光石潤松風軟琴解慍酒
開顏衷情邊放心閑諸境滅我獨頑○九陽
還六陰剛收藏八寶金光滿融體耀彩霞殷
形實相太無間迎仙客越塵寰

其四

勦塵情慧風生天關地軸為權柄玄機運斗
樞行蟾兔髓日烏精壬府聚玉鑲烹○秀華
英萬神清三台六輔天宮慶食玉液醞真精
歸覺海混圓成觀自在貌崢嶸

其五

翠嵐時綠波清光浮草屋松窓靜葦葦著膝
琴橫閑唱詠愜真情貧自樂勝公卿○寵無
榮辱無驚靈臺將養消息勝權月淨性珠明
三昧解六通精無上道證圓成

醉蓬萊

混元形一氣位析乾坤樞分玉瑞曠劫難逃

披陰陽相累頓悟迴光合和金木簇坎離精粹
粹澄海風高雲行雨施丹基勿漬○九會三期
六爻數足奇偶相乘谷神離器迹上崑崙
拉清風遊戲偃仰安閑白雲堆裏任陶陶沉
醉看破虛空行藏綽約神珠如意

醉江月

鴻濛一氣運天樞魁斗斡旋星象日月躔移
分進退定立朝昏弦望四序循環陰陽調變
造化功無上舍弘光大匠成晶彙咸暢○神
用剖判乾坤生成應候七九功歸向虎逸龍
蟠吟嘯曲江岸聲鳴風浪將養神胎奔騰聖
變法界真情放玄中珠顯廓開光像無量

其二

真心徑寸括太極分瑞玄黃交結造化中間
消息塵日月虎龍羅列奎下紅光勤交文武
進退依時節烹成金藥密攢丹體冰潔○沖
和國裏人安天根默契沉靜真如悅珠鑑晶
光半斗射耿耿清輝霜雪萬劫雲收多生塵
歛心法渾雙滅無言可說慨然脫底明徹

南鄉子

萍梗涉天隅遭累剝情物無激石枕流甜
養浩勤劬拈弄龜蛇入玉鑪○黑水產金珠
曲岸紅霜潤點酥體梵寸丸丹品妙無虞馳
驟神通日月堂

其二

進退兔和鳥驅入乾坤造化鑪少減多添循
度運情娛巧鍊丹凝體不枯○性養點塵無
放蕩空圓傲玉壺應物頭頭無罣礙形殊密
纏摩尼不夜珠

其三

符火應周天加減無差達四禪潛養鐵牛噴
玉藥功圓換骨回陽證妙玄○般若有因緣
超上波羅意坦然穩駕神舟歸極樂塵捐清
淨心攄出水蓮

其四

默默有如愚一氣氤氳日月鑪玄牝驅馳三
性會凝酥醉飲醺醺性自娛○風月不能拘
天復天中運斗樞消息玄黃形妙趣情愉一
派紅光晃太無

其五

大道在三田知一都休執一邊通貫兩間方
寸內幽玄三一形象帝先○鑽則愈彌堅
仰亦彌高廓化權規聽不知無極旨空圓耀
古騰今妙體全

留客住

悟生滅頻斷馬頭猿劣萬緣齊放感得玄
黃真訣歸依洗心清淨一向調燮陰陽功決
烈呼精吸粹盜虛無真養成愚拙○息分
別氣會神交忘形真悅聆耳清音萬派無中
幽壑寒陽化成仙域捧出純白風光冰玉潔
神超物外恣翱翔坦蕩步虛清絕

降中央

盜天地沖和一氣造化丹基玄牝輔弼樞機
四象三奇消息盈虛否泰鉛汞抽添坎離進
退循環玉闌風透九霄吹○雲行雨施遍澆
溉黃芽雪肌五彩騰輝低陰二八香姿六陽
鼎沸運火候周天數隨引養形全霧收雲歛
入無為

其二

竅玄覽神清性淨健體輕馳無涯炳煥光飛

月梯披離揮霍千靈變態觸處頭頭顯儀念
慧除迷拍懷冰瑩赴瑤池○嘉賓醺會散異
香氤氳絳幃樂奏清音相陪慶飲神怡無生
體段笑傲歸真境寵綏浩劫圓明迥超無上
混希夷

望蓬萊

推妙理藏用顯諸仁神定杳冥天地合勿疑
恍惚惠風純五氣保天真○金鼎沸燦爛玉
瓊新養就劫來無礙相靈源三覺證全身清
淨免沉淪

其二

澄神久消息入無為終日怕芳其未兆如嬰
動止樂熙熙必固總心離○不斷妄真亦不
修持真妄之心屬塵翳翳塵不染性希夷珠
瑩露摩尼

其三

潛龍動剛健海源蟠黑霧三關深掩映紅霞
九曲密噴吼玉鼎鍊金丹○寶鏡就雪浪滾
漫漫八耀四森輝日月六神豁暢地天寬真
境寫真權

其四

具火運五藏氣煎烹陽伏六陰潛變化化精
為髓血為精白乳體生成○元神聚朝現保
身榮金骨換形形不朽光飛萬縷爛霞明雲
步越蓬瀛

武陵春

水火互交南北位金木換西東胎結源流帝
旺宮消息造真功○一馬驟歸三島外九曲
六牛通醜就玄珠透體紅輕健混冲融

其二

二八藥苗陰嶺採得雪金英四脚無為鼎
鑄成三性聚真晶○海底吹吹無燄火煅鍊
數研精烹就冰肌耀素瓊魂聖貌縱橫

其三

仙道古今人即是恐爾自心迷爾說天高我
道低三寸上天梯○十九這些人不到相隔
似雲泥妙訣傾心肯若矜功德與天齊

柳稍青

苦海渺茫流蕩似關遠北溟洪浪汨沒群生
類魚遊戲往來趨向○漂淪逐隊情暢幾箇

化鵬形狀一去天池垂雲騰翥頭超無上

雙雙鸞

循環日月春秋變滌枯幾多相綴唐朝漢關
楚苑秦宮興替愛海淪流何定盡蕩蕩無生
淹滯驚回浩劫塵情返照推窮根蒂○明慧
通三抱一真心運乾坤坎離相濟氤氳結括
紫蘊素華藩衛珠孕玄冥煥赫顯魄鍊雲英
蟬蛻出入杳冥無礙混通三際

瑤臺第一層

暑往寒來被日月循環進退忙春秋更變枯
榮迭運幾換風光人生催促斷送沉腰皓貌
俱厄至無常有滿籬金玉救護無方○參詳
輪迴猛悟豁開心地養元陽手搏天地身生
萬化空界遊颺死生揮斷跳出世網真相清
涼道情昌證三時了了千古堂堂

月華清

一點靈光千迴淪落四生六道遊適苦海淹
流幾許改頭更面諒四大虛幻無根出沒甚
流星飛電無限速來往奇臭枯榮遷變○識
破般般不戀悟夢蝶燈蛾超生業專擅密扣

玄關推挫寸心千鍊鍊得顯元初灑落展入地昇天體現一貫傲神通揮霍清涼風扇

鶯穿柳

觀天能盡向三山四海氤氳風趁金木玄冥雲聚一時六卦火記潛進七返功宜緊鍊丹

質蕙蘭香障到此鬼神歛不許三尸親近○塵情碎為殘粉澄無明慧火翻作冷爐智藏揮開神耀占上清選院名科精俊實相崢嶸障步虛際爛霞光觀體顯九陽勝出塵堪信

百寶粧

雲水閑情松筠雅操根究入道真訣掃霧驅煙磨鍊志如鐵慨然不改草瓢樂廓愚谷聽明養素拙放胃襟取興狂吟奮筆楮面揮徹虎龍發怒盤旋萬丈艷噴詞翰搗錦清絕靜裏功夫神用至靈泄如如性月光全露表耀古明今圓若缺混希夷一氣縱橫八表真體無別

定風波

功鍊心開智藏圓靈明一點蓮嬋娟物外崢嶸惟獨步玄玄不空不有貌難詮○觸處全

仲無礙相虛空打破應無邊喜脫輪迴今度了功遷九玄超上太微天

其二

悟結清涼浩劫因生涯淡薄出器塵物物般般心上離思純克勤虛谷養元神○接物和

光循德柄無方應變任天真豁落圓通精三昧懷珍道人才調持清新

其三

一寸丹心碎鍊摩揮開智海息風波林下樂投甘養素中和放開心月照婆娑○澄淨內全三聚戒安閑身富六波羅隱顯神遊渾飄逸無何青霄物外恣蹉跎

摸魚兒

養疎慵夢驚俗態浮雲富貴虛矯高提寶劍霜姿冷壺觸是非齊勦猿馬天世務起心頭絆迷相縈擾水榭洞曉樂淨境行藏善芽茂養飲水識多少○真氣氤定海心珠噉噉噉然雲外寂悄離塵瑞孕丹基造麗蟠螭神光晶真了了破千古昏衢放微禪天皎魂飛杳杳志盤礴清微遊颺法界出露儀表

轉調木蘭花

氣融和風韻切龍蟠虎遠戍庭交結温存寸體榮春雪神光月樣九天輝徹○照破迷雲魔障滅三台六腑八關水潔純陽體證無為訣優游法界道情清絕

六么令

觀天造化進取慕希夷剛柔中正扶持五蘊樂無為靈育九陽嘉瑞坤殿坎交離日中彩鳳翔翔江曲萬重水底覓烏龜○紫霧彌漫嶽頂消息結冰肌魏魏體段清涼風韻六神願豁葵三光洞照海角恣棲蓬雲間偃仰陶陶無繫朗然恢廓舊容儀

愛蘆花

心開五對志性逸六情絕氣神形變化首級空飛血功旌丹品瑩產陽魂奮威烈始終不變實相露貫通無內外貌難分別○出生滅縱橫清淨體無像天中徹究竟真法眼剔眉毛纖翳扶輝開萬古清光潔圓明物物顯了然如缺會真集卷之五